

## Band X., Nr. 4560, Seite 269-270

*Kloster Zwiefalten und die Herren von Emerkingen beurkunden ihren Vertrag wegen der Kirche und des Dorfes Zelle.*

Zwiefalten, 1294. Oktober 1.

In gotes namen. Amen. Wan daz reht daz leret und diu beshaidinhait daz ratdet, daz man gezuigen und beriven inphelhen sol, swaz man in ganzir gehugede behaben wil und sol, so tût man kunt an disen brieven allen den, die sie lesent alder horent lesen, daz die herberen herren abbet Eberhart und diu samenunge des closters Zvivultun gechoufet hant umbe herren Hermannen von Anmerchingen den chirherren der kirchen ze dem dorfe Zelle umbe subencehende halbe marche silbers und driu und vierzige phunde Harler phennigen alle die nuze, die im werden mohtin und soltim von fiuntihalber hûbe, die wil er lebete, ez sie so in holze so in velde, an wisun alder an echer und an allem dem, swaz zû den selben hûben gehoren mach, wan die selben hûba owech horent zu der vor genanter siner chirhen Zelle. Die selben hûbe sint ouch gelegen ze den dorferen ze Tougindorf und ze Bechigen und ouch die nuze der visinze Zelle, di wile der selbe Herman lebet, ez sie danne, daz er bi der selben kirchen Zelle gesezen sie mit huse, so sol er sie niezen, die wil er da ist gesezen. Wan kundet ouch an disen brieven, daz die vor genanten herren von Zvivultun do ze dem selben male an der selben state und an dem selben tage ouch chouftun ze rehtem aigen umbe herren Rûdolfen von Anmerchingen mit dem vor genanten silber und den vor genanten phennigen, die der selbe Rûdolf beidiu inphiench mit dem vor genanten herren Hermannen gemainlich, alle die echer und daz holz, diu gelegen sint in Watinwanch<sup>1</sup>, diu<sup>2</sup> im ze taile waren worden von sinem brûder herren Walther dem ritter von Anmerchign, do sie mit anderen taitun, und wart ouch do gemainlich gedingot und gereht von dem vor genanten herrun von Zvivultun und von dem vor genanten chirherrem, swaz ze dem selben dorfe Zelle ze rihtende hinnanhin wrde, daz die selben herren und der selbe kirherre gemainlich daz rihten sulen mit ir botun und swaz daz gerihte danne an gevallet, daz sulen die boten mit ain ander danne tailen gemainlich. Ez wart ouch do beidinthalp gemainlich gedingot und gereht, swaz velle von den luten vieli, die zu der selbun kirchun Zelle hortin, daz der selbe kirherre und die vor genanten herren die gemainlich nemen sulen. Ez wart ouch do baidinthalp gedingot und gereht, daz sie die vor genanten herren und der vor genante kirherre ane clage sulen

<sup>1</sup> *Watinwanch*, unermittelt.

<sup>2</sup> Vor diu ist und durch Unterstreichen getilgt.

## II

lan, swaz sich der lute gesamenot, die horent zû dem closter Zvivultûn und der selbun kirhun Celle. Und daz daz stete beliebe swaz hie vor an disen brieven geurkundot ist, so giht der vor genante herre Herman und owch der vor genante herre Rûdolf vur sich und alle sine nah chomende dise brieve besigelete mit ir insigelen ze ainer gancer vestenunge und ze ainem getruen Urkunde den vor genanten herrun abbet Eberhart und der samenunge des closters Zvivultûn.<br> <br> Diz beshahc in dem selben closter Zvivultun, an sante Remigen tage, in dem jare, do von gotes geburte waren tusent zwai hundirt niunzich und fier jar. Hie zû waren owch ze gezwigen baidinthalp genomen herre Cûnrat der voget von Merigen, Ûlrich von Bechigen, Arn. der scriber, Berht. und Cûnrat die gebrûder von dem Staine, Hanrich der suter, Walter von Anmerchigen, Walter von Hornstain und ander biderbe lute, di owh da bi waren.

—

Textabdruck folgt dem Original.<br> <br> Zwei Siegel, s. WUB, Bd. X, S. 8, Nr. 4205.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

B 551 U 1183

**Überlieferung und Textkritik:**

Original und Papierkopie. War auch im 1944 durch Fliegerangriff verbrannten Diplomatar HStA Stuttgart H 14 Nr. 362, S. 225b.

## Weitere Angaben

**Sprache:**

Deutsch

**Ausstellungsort:**

Zwiefalten

**Ortsindex:**

Bechingen Wohnplatz (17479)<br> Bechingen, Riedlingen, BC<br> Daugendorf Wohnplatz (17480)<br> Daugendorf, Riedlingen, BC<br> Emerkingen Wohnplatz (16806)<br> Emerkingen, UL<br> Hornstein Wohnplatz (21053)<br> Hornstein, Bingen, SIG<br> Möhringen Wohnplatz (17710)<br> Möhringen, Unlingen, BC<br> Rechtenstein Wohnplatz (16926)<br> Rechtenstein, UL<br> Watinwanch<br> Zell Wohnplatz (17489)<br> Zell, Riedlingen, BC<br> Zwiefalten Wohnplatz (16028)<br> Zwiefalten, RT